

# ՍԱՂՄՈՍ 11

## ԺԱՄԱՆԱԿԱԿԻՑ ԹԱՐԳՄԱՆՈՒԹՅՈՒՆՆԵՐԻ ՍՏՐՈՖ ԲԱԺԱՆՈՒՄՆԵՐ

NASB	NKJV	NRSV	TEV	NJB
ՏԵՐԸ ապաստան ու պաշտպանություն <u>MT նախաբան</u> «Գլխավոր երաժշտին, Դավթի սաղմոս»	Հավատք ՏԻՐՈՋ արդարության վրա	Վստահություն արդարության համար Աստծո հոգածության	Վստահություն ՏԻՐՈՋ վրա	Շիտակ մարդու վստահությունը
11:1-3	11:1-3	11:1-3	11:1-3	11:1 11:2-3
11:4-7	11:4-6	11:4-7	11:4-5 11:6-7	11:4 11:5-6 11:7

### ԸՆԹԵՐՑԱՆՈՒԹՅԱՆ ԵՐՐՈՐԴ ՑԻԿԼ («Մուրբ Գիրքը ճիշտ կարդալու ուղեցույց») *ԸՍՏ ՊԱՐԲԵՐՈՒԹՅԱՆ ԲՆԱԳՐԻ ՀԵՂԻՆԱԿԻ ՆՊԱՏԱԿԻ ՀԵՏՔԵՐՈՎ*

Սա սերտողության ուղեցույց մեկնություն է, որը նշանակում է, որ դուք եք պատասխանատու Աստվածաշնչի ձեր մեկնության համար: Մեզնից յուրաքանչյուրը պետք է քայլի իր ունեցած լույսի ներքո: Մեկնաբանության մեջ հերթականությունը հետևյալ կերպ է՝ դուք, Աստվածաշունչը և Մուրբ Հոգին: Դուք չպետք է այն զիջեք որևէ մեկնաբանի:

Մեկ անգամ նստելով կարդացեք ամբողջ գլուխը: Գտեք թեմաները: Համեմատեք ձեր թեմաների բաժինները հինգ ժամանակակից թարգմանությունների հետ: Պարբերությունները ներշնչանքով չեն կատարված, սակայն դրանք կարևոր են բնագրի հեղինակի նպատակին հետևելու համար, որը հանդիսանում է մեկնաբանության սիրտը: Յուրաքանչյուր պարբերություն ունի միայն մեկ թեմա:

1. Առաջին պարբերություն
2. Երկրորդ պարբերություն
3. Երրորդ պարբերություն
4. Եվ այլն

### ԲԱՌԵՐԻ ԵՎ ԱՐՏԱՀԱՅՏՈՒԹՅՈՒՆՆԵՐԻ ՈՒՍՈՒՄՆԱՍԻՐՈՒԹՅՈՒՆ

<p><b>NASB (ԹԱՐՄԵՑՎԱԾ) ՏԵՔՍՏ. ՍԱՂՄՈՍ 11:1-3</b></p> <p><sup>1</sup>Հույսս դրի ՏԻՐՈՋ վրա, Ինչպե՛ս կարող եք իմ անձին ասել. «Թո՛ր ձեր սարերը, <i>ինչպես</i> թռչուն», <sup>2</sup>Քանի որ, ահա մեղավորները աղեղ են լարում, Իրենց նետերն ամրացնում են լարին, Որպեսզի գաղտնորեն սրտով շիտակներին հարվածեն: <sup>3</sup>Եթե հիմքերը խախտվեն, արդարն ի՞նչ է անելու:</p>
---

**11:1 «Հույս»/անգլ.՝ «ապաստարան»/** Տե՛ս Սաղմ. 2:12, 5:11-12 գրառումը: Սա (BDB 340, KB 337, *Qal* ՎԱՂԱԿԱՏԱՐ) պարբերաբար կրկնվող հրաշալի փոխաբերություն է պաշտպանության և ապահովության վերաբերյալ (տես՝ Սաղմ. 34:22, 37:40):

Դավթի խորհրդատուները (կամ թշնամիները) ասում էին «թռի՛ր/վազի՛ր» (Սաղմ. 11:1բ), սակայն Դավիթն ասում էր. «ինչո՞ւ վազեմ» (Սաղմ. 11:1ա, 2-3): Աստված է մեր ապաստարանը և Նա գիտի թե ինչի միջով ենք մենք անցնում: Նա մեր հետ է և մեր կողմից: Նայի՛ր Նրան և ոչ թե հանգամանքներին:

❖ **«թռի՛ր ձեր սարերը, ինչպես թռչուն»** MT-ն տալիս է ՀՈԳՆԱԿԻ (BDB 626, KB 678, *Qal* ՀՐԱ-ՄԱՅԱԿԱՆ), սակայն *Qere* կարդացվում է ԵՉԱԿԻ:

Թվում է, թե ամբարիշտը (այսինքն՝ ՀՈԳՆԱԿԻ ԲԱՅԸ) դիմում է հավատարիմին փախնելու ՅԱՀՎԵԻ պաշտպանության մեջ (այսինքն՝ «ապաստարանը» և «սարը» զուգահեռներ են, տես՝ Սաղմ. 121:1): Ուստի այս արտահայտությունը հեզնանք է՝ ծաղր:

UBS *Ձեռնարկը* ասում է, որ 1 և 4 համարները տեղի են ունենում տաճարում և ուստի, սաղմոսերգուի ընկերները՝ նրա հետ երկրպագողներն են, որ կոչ են անում իրեն լուռ փախնելու դեպի անապատի ապաստարանը:

Կարծում եմ Սաղմ. 11:3-ի «հիմքերը» նաև համագոր են «ապաստանի» և «սարերի»: Դրանք վերաբերում են ՅԱՀՎԵԻ ներկայությանը և ճշմարտությանը (տես՝ Սաղմ. 87:1, 119:152) իր ժողովրդի հետ, որը ամբարիշտները ուրանում են:

**11:2-3** Այս համարները հնարավոր է դիտարկել երկու կերպ՝

1. խորհուրդը (ա) ամբարշտի կամ (բ) երկրպագության վայրում իր ընկերները շարունակում են մինչև Սաղմ. 11:3:
2. սաղմոսերգուն պատասխանում է այն մարդկանց, ովքեր կոչ են անում նրան փախնելու՝ թռնելու Սաղմ. 11:1բ-ում

**11:2** Սա նկարագրում է ամբարշտի չարամիտ գործերն ու ծրագրերը:

1. աղեղ են լարում – BDB 201, KB 131 *Qal* ԱՆԿԱՏԱՐ, տես՝ Սաղմ. 7:12, 37:14
2. նետերն ամրացնում են լարին – BDB 465, KB 464, *Polel* ՎԱՂԱԿԱՏԱՐ, տես՝ Սաղմ. 64:3
3. հարվածեն – BDB 434, KB 436, *Qal* ԱՆՈՐՈՇ ԿԱԶՄՈՒԹՅՈՒՆ, տես՝ Սաղմ. 64:6:

❖ **«սրտով շիտակ»** Անմեղ մարդիկ գոյություն չունեն: Այդուհանդերձ պարզ է, որ կան երկու տեսակի մարդիկ՝

1. ովքեր փնտրում են ՅԱՀՎԵԻՆ և ապրում են Նրան հաճեցնելու համար
2. ովքեր ապրում են իրենց համար, կարծես թե ո՛չ ուխտ կա, ո՛չ էլ ուխտի Աստված

**11:3** Արդարի միակ հույսը ՅԱՀՎԵԻ ճշմարտությունն է և Նրա ներկայությունը: Նա է օգնության միակ աղբյուրը: Եթե Աստված չկա (տես՝ Սաղմ. 10:4, 14:1, 36:1), ապա հավատարիմ հետևորդն է հիմարը, սակայն եթե կա բարոյական Արարիչը, որի առջև կանգնելու են բոլոր գիտակից մարդիկ և հաշվետու լինեն (տես՝ Սաղմ. 11:4-7), ապա անհնազանդ, ամբարիշտ, եսակենտրոն մարդն է (հեթանոս կամ իսրայելացի) հիմարը:

Հավանական է, որ Սաղմ. 11:3-ի երկրորդ տողը վերաբերում է Աստծուն (այսինքն՝ «Արդարը», տես՝ AB, էջ՝ 69, և ծանուցագիր Հրեական Սերտողության Աստվածաշնչում, էջ՝ 1294): Տես Սաղմ. 11:5, որտեղ ՅԱՀՎԵՆ և արդարը (BDB 843) կարող են լինել հակադրության մեջ. երկուսն էլ Իսրայելի Աստծո տիտղոսն են:

❖ **«հիմքեր»** Այս բառի՝ արմատի ստուգաբանությունը ռօ (BDB 1011, KB 1666-1667) անհայտ է: Սա հազվադեպ բառ է, սակայն միաձայն համաձայնություն կա, որ սա վերաբերում է ուխտի օրենքներին: KB տալիս է ամենավերջին գիտական կասկածները:

**NASB (ԹԱՐՄԵՑՎԱԾ) ՏԵՔՍՏ. ՍԱՂՄՈՍ 11:4-7**

<sup>4</sup>ՏԵՐՆ Իր սուրբ տաճարում է, ՏԻՐՈՋ գահը երկնքում է.

Նրա աչքերը տեսնում են, Նրա արտևանունքները զննում են մարդկանց որդիներին:

<sup>5</sup>ՏԵՐԸ քննում է արդարին, բայց Նրա անձը

Ատում է ամբարշտին ու անհրավություն սիրողին:

<sup>6</sup>Ամբարիշտների վրա որոգայթներ է տեղալու,

Կրակ ու ձծումբ և սարսափելի փոթորիկ .

Սա է լինելու նրանց բաժակի բաժինը,

<sup>7</sup>Քանի որ արդար ՏԵՐԸ արդարություն է սիրում,

Նրա երեսը շիտակին է նայում:

**11:4-7** Այս պարբերությունը պատասխանում է Սաղմ. 11:3-ում ամբարշտի տված հարցին: Ինչպես որ պատահում է, Սաղմոս 11:3-ի «հիմքերը» չեն խախտվում:

**11:4** ՅԱՀՎԵՆ բնակվում է երկնքում (տես՝ Հատուկ Թեմա. Երկինքները և երրորդ երկինքը), սակայն Նա հայտնվում է (այսինքն՝ Իրեն հասանելի դարձնում) *Քերուլքեների* թևերի միջև՝ ուխտի տապանակի վրա (տես՝ Եսայի 66:1): Երկինքն ու երկիրը հանդիպում են Սրբության Սրբարանում՝ Երուսաղեմի տաճարում:

**ՀԱՏՈՒԿ ԹԵՄԱ ՈՒԽՏԻ ՏՎՊԱՆԱԿԸ (Ելից 25:10-22)**

**SPECIAL TOPIC: THE ARK OF THE COVENANT (Exodus 25:10-22)**

**I. Վայրը և նպատակը՝**

Ա. ՅԱՀՎԵՆ բնակության վայրն է (այսինքն՝ Նրա ոտքերի պատվանդանը, տես՝ 1 Մնաց. 28:2, Սաղմ. 132:7, Եսայի 66:1) Իր ժողովրդի հետ, տապանակի վրա՝ *քերուլքեների* թևերի միջև (տես՝ Հատուկ Թեմա. *Քերուլքեներ*):

Բ. թողության վայր (այսինքն՝ ողորմության աթոռ) բոլոր մարդկանց համար (տես՝ Իսրայել, Ղևտացիների 16 և 3 Թագ. 8:27-30, օտարականների համար՝ 8:41, 43, 60):

**II. Պարունակությունը**

Ա. Ռաբբիական ավանդույթը՝

1. քարե երկու տախտակները, որոնց վրա ՅԱՀՎԵՆ գրեց Տասնաբանյան (տես՝ Ելից 31:18, 32:15-16):
2. երկու արծաթե ձողեր, որոնք պահում էին տախտակները (սուրբգրային հղումներ չկան)
3. առաջին երկու տախտակների կտորները, որոնք Մովսեսը ջարդեց, քանի որ Իսրայելը (Ահարոնը) ոսկե հորթ էին պատրաստել և երկրպագում էին (տես՝ Ելից 32:19, 2 Օր. 9:17, 10:2):
4. ամբողջ Թորայի կրկնօրինակը (տես՝ Ելից 25:16)
5. Աստծո անունները (տես՝ 3 Թագ. 8:29) որ ձևավորվել էր Քարբալայում՝ հրեական

Բ. սուրբգրային հղումները պարունակության մասին (հայտնի չէ, թե այս համարները վերաբերում են տապանակի ներսում գտնվող առարկաներին, թե՛ շուրջը գտնվողներին)

1. մանանայով սափոր (տես՝ Ելից 16:31-36)
2. Ահարոնի ծաղկած գավազանը (տես՝ Թվոց 17:4,10, Եբր. 9:4)
3. Փղշտացիների հանցանքի զոհերը (5 ոսկե առնետները և ոսկե թուրքերը, տես՝ 1 Թագ. 6:3-4,8)
4. Տաս Պատվիրանների կրկնօրինակը (տես՝ 2 Օր. 10:4-5, 31:26)

Սողոմոնի Տաճարի նվիրման սրբագործման օրը՝ 3 Թագավորաց 8-ում, ասվում է, որ Տապանակի մեջ կային միայն երկու քարե տախտակները (այսինքն՝ Տաս Խոսքերը, տես՝ 3 Թագ. 8:9):

### III. Տապանակի գտնվելու հավանական վայրը՝

#### Ա. Պատմական տարբերակները

1. Միսակի կողմից տարվել է Եգիպտոս (Ք. Ա. 935-914թթ), երբ Ռոբովամ թագավորի՝ Սողոմոնի որդու թագավորության հինգերորդ տարվա մեջ նվաճեց Հուդան (Ք. Ա. 926թ) (տես՝ 3 Թագ. 14:25-26, 2 Մնաց. 12:9):
2. տարվել է Եգիպտոս (Չոար, Թանիս, Ավարիս՝ տարբեր անուններով է տրված Սեթի Ա-ի դեղատա մայրաքաղաքը) Նեքավոլ II Փարավոնի կողմից, որը նաև գերեվարեց Դավթի սերնդից Հովաքազին (Հովսիայի որդին) Ք. Ա. 597թ-ին (տես՝ 4 Թագ. 23:31-35, 2 Մնաց. 36:1-4):
3. տարվել է Բաբելոն Մարդուկի տաճարը՝ Նաբուգոդոնոսոր II-ի կողմից, երբ Սեդեկիան գերեվարվեց (Ք. Ա. 586թ) և Տաճարը այրվեց (տես՝ 4 Թագ. 25:9, 13-17, 2 Մնաց. 36:18):

#### Բ. Հրեական ավանդույթները

1. պահված է Նաբավ /Փասգա/ լեռան վրա՝ Երեմիայի կողմից, նախքան Երուսաղեմի անկումը (2 Մակկար. 2:4-5):
2. Բարուքի II անկանոն գիրքն ասում է, որ մի հրեշտակ թաքցրել է այն
3. պահված է անհայտ կերպով, սակայն վերադարձվելու է Եդիայի կողմից, հենց Մեսիայի գալուստի ժամանակ (տես՝ Մաղ. 4:5)
4. պահված է Գերեսիմ (Սյուքեմ) լեռան վրա, որտեղ սամարացիները կառուցեցին ՅԱՀՎԵԻ համար իրենց տաճարը:
5. թաղվել է տաճարի տակ (այսինքն՝ Մորիա լեռան վրա) նախքան Նաբուգոդոնոսորը կգրավեր Երուսաղեմը:

**11:4բ-5ա** ՅԱՀՎԵՆ գիտի (ԱՆԿԱՏԱՐՆԵՐ, որոնք ցույց են տալիս հատկանշական գործողություններ)

1. ինչ է տեղի ունենում երկրի վրա
2. մարդու սրտի շարժառիթները

Նա քննում է (BDB 103, KB 119, *Qal* ԱՆԿԱՏԱՐ, տես՝ Հոր 7:18, Սաղմ. 7:9, 26:2, 139:1,23) մարդկանց (*ben Adam*) մեղքերը, թե՛ արդարների և թե՛ ամբարիշտների: ՆԿ-ը արձանագրում է դեպքը Սատթ. 12:36-37, 16:27, 25:31-46, Գործք 10:42, Հռոմ. 2:16, 14:10, 12, 1 Պետ. 4:5 և Հայտն. 20:11-15-ում: Աստծո քննելը թե՛ ժամանակի մեջ է (ժամանակավոր) և թե՛ ժամանակից դուրս (վախճանաբանական): Հաճախ մենք հնձում ենք այս կյանքում այն, ինչ ցանում ենք, սակայն եթե չենք հնձում՝ այդ օրը մոտենում է:

### **ՀԱՏՈՒԿ ԹԵՄԱ. ԱՍՏՎԱԾ ԱՏՈՒԳՈՒՄ Է ԻՐ ԺՈՂՈՎՐԴԻՆ** **SPECIAL TOPIC: GOD TESTS HIS PEOPLE**

«Ստուգել» տերմինը (BDB 650, KB 702, *Piel* ՎԱՂԱԿԱՏԱՐ) կիրառվում է «փորձելու» իմաստով: Այն կիրառվում է մարդուն մի տեղ հասցնելու իմաստով, որտեղ նրանք գիտակցում են և գործում իրենց սահմանած առաջնահերթություններով: Ակնհայտ է, որ Ծննդոց 12-ից մինչև 22 Աստված ներկայացնում է Աբրահամին մի շարք իրավիճակներում (ռաբբիներն ասում են տաար), որպեսզի իր սերն ու վստահությունը ուղղի Աստծո մեջ և միայն Աստծո վրա: Այս ստուգարքները այնքան էլ Աստծո համար չէին, այլ Աբրահամի և նրա համար, որ Աբրահամը ճանաչի իրեն

քաղղեացիների Ուր քաղաքից դուրս կանչող Աստծուն: Արրահամին ասվեց, որ թողնի իր ընտանիքը, տունը, ընկերներին, ժառանգությունը, ավանդույթները և անգամ ապագան (իր խոստացյալ որդուն) Աստծուն հավատքով հետևելով: Աստված ստուգում է Իր բոլոր զավակներին իրենց առաջնահերթության ասպարեզում (տես՝ Մատթ. 4:1ք, Եբր. 5:8, 12:5-13):

Աստված ստուգում է (BDB 650), որպեսզի ճանաչի (BDB 393, տես՝ Հատուկ Թեմա. Ճանաչել): Իսրայելը հաճախ փորձեց Աստծուն իրենց անհնազանդությամբ և Աստված ապացուցեց, որ հավատարիմ է Իր խոսքին: Այժմ Աստված է հնարավորություն ընձեռնելու Իսրայելին և իր ժողովրդին ցուցաբերելու իրենց դավանած հավատարմությունն ու հավատքը՝

1. Աստված փորձեց Իր ժողովրդին՝ հավաքական առումով.  
 ա. Ելից 15:25, 16:4, 20:20  
 բ. Բ Օրինաց 8:2,16, 13:3  
 գ. Դատ. 2:22, 3:1,4
2. Աստված փորձեց անհատ Իսրայելացիների՝  
 ա. Արրահամին, Ծննդ. 12:1-12  
 բ. Եզեկիային, 2 Մնաց. 32:31
3. Սաղմոսերգուները կանչում են Աստծուն, որ փորձի իրենց, որպեսզի հեռացնի իրենցից թաքուն մեղքերը (տես՝ 26:2, 139:23):
4. ՆԿ-յան Աստծո ժողովուրդը հավասարապես փորձվում են, ինչպես Հիսուսը փորձվեց (Մատթեոս 4, Ղուկաս 4, Եբր. 5:8): Տե՛ս Հատուկ Թեմա. Փորձել բառի հունարեն տերմինները և դրանց նշանակությունները:

**ՀԱՏՈՒԿ ԹԵՄԱ. ԱՅՂ ՕՐԸ**  
**SPECIAL TOPIC: THAT DAY**

Այս արտահայտությունը՝ «այդ օրը» կամ «այդ օրվա մեջ» հանդիսանում էր ութերորդ դարի մարգարեների համար մի կերպ, որով խոսում էին Աստծո այցելության մասին (ներկայության), թե՛ դատաստանի և թե՛ վերականգնման համար:

Ովսեսա		Ամոլս		Միքիա	
<u>դրական</u>	<u>բացասական</u>	<u>դրական</u>	<u>բացասական</u>	<u>դրական</u>	<u>բացասական</u>
1:11	1:5		1:14 (2)		2:4
	2:3		2:16		3:6
2:15			3:14	4:6	
2:16	4:5		5:18 (2)		5:10
2:18	5:9		5:20		7:4
2:21	6:2		6:3	7:11 (2)	
	7:5		8:3	7:12	
	9:5	9:11	8:9 (2)		
	10:14		8:10		
			8:13		

Այս ձևաչափը բնորոշ է մարգարեներին: Աստված իր ժամանակին մեղքի հարցը լուծելու է, սակայն Նա նաև առաջարկում է ապաշխարության և թողության օր այն մարդկանց, ովքեր հոժար են փոխելու իրենց սրտերը և գործերը (այսինքն՝ ընդունեն նոր սիրտ, նոր միտք, և նոր հոգի, տես՝ Եզեկ.36:22-27): Աստծո փրկագործության և վերականգնելու նպատակը կիրառործովի: Նա կունենա մի ժողովուրդ, որն արտացոլում է Իր բնավորությունը: Ստեղծագործության նպատակը (Աստծո և մարդկության միջև փոխհարաբերությունը) կիրականանա:

ՀԱՏՈՒԿ ԹԵՄԱ. ԱՊԱՇԽԱՐՈՒԹՅՈՒՆ (ՀԿ)

ՀԱՏՈՒԿ ԹԵՄԱ. ՅԱՀՎԵԻ ՓՐԿԱԳՈՐԾՈՒԹՅԱՆ ՀԱՎԻՏԵՆԱԿԱՆ ԾՐԱԳԻՐԸ

ՀԱՏՈՒԿ ԹԵՄԱ. ՈՒԽՏ

**11:5 «Նրա անձը ատում է»** Սա մարդաբանական լեզու է: Տես Հատուկ Թեմա. Աստված նկարագրված որպես մարդ: Տես՝ Ելից 15:9, Եսայի 1:14, Երեմ. 5:9, 29, 6:8, 9:9, 32:41, Եզեկ. 23:18 միևնույն *nephesh* (BDB 659, տես՝ Սաղմ. 3:2 և Ծննդ. 35:18-ի գրառումը) տերմինի կիրառությունը:

Հնարավոր է, որ այս համարը գործ ունի միայն ամբարշտի հետ և որ «արդարը» Աստծո համար տիտղոս՝ անուն է (տես՝ Սաղմ. 11:3բ): Եթե այդպես է, ՅԱՀՎԵՆ և «Արդարը» հակամարտության մեջ են (տես՝ Սաղմ. 11:3բ, 7ա):

ՀԿ-ը թվարկում է մի քանի բաներ, որոնք ատում է ՅԱՀՎԵՆ՝

1. կռապաշտությունը՝ 2 Օր. 12:31, 16:22, Երեմ. 44:4, Ովս. 9:15
2. բոլոր նրանց, որ անօրենություն են գործում՝ Սաղմ. 5:5
3. բռնություն սիրող մարդուն՝ Սաղմ. 11:5
- 4-10. տե՛ս Առակ. 6:16-19-ում ցանկը (նաև Չաք. 8:16-17 գրառումը)
11. Իսրայելի սուտ ու կեղծ երկրպագությունը՝ Ես. 1:14, Ամովս 5:21, 6:8
12. ամուսնավուծությունը՝ Սաղ. 2:16

**11:6**

**NASB, NKJV,**

**NRSV, NJB,**

**LXX**

**NET Աստվածաշունչ**

«Նա տեղալու է»

«թող ՏԵՐԸ տեղացնի»

ԲԱՅԸ (BDB 565, KB 574) ՀԱՅՑԱԿԱՆ է, որը NET Աստվածաշունչը և Խարիսի Աստվածաշունչը թարգմանում են ճիշտ, սակայն մյուս թարգմանությունները ենթադրում են այն որպես ՀԱՅՑԱԿԱՆ կազմությամբ, բայց ոչ իմաստով:

**NASB, MT,**

**LXX**

**NASB լուսանցք**

**NKJV, NRSV,**

**TEV, NJB,**

**JPSOA**

«որոգայթներ»

«կրակի ածուխներ»

«ածուխներ»

Համատեքստը կարծես թե ուղղում է պահանջում «որոգայթներից» ուղղում ԾԴՓ (BDB 809) «ածուխների» ԴԴՓ (BDB 809): UBS Տեքստային Նախագիծը «որոգայթները» գնահատում է “B”:

**11:6բ** Արդյո՞ք սա վերաբերում է՝

1. այս կյանքի վերաբերյալ պոետիկ չափազանցության նկարագրության
2. հանդերձյալ կյանքում դատաստանի իրողությանը (տես՝ 2 Օր. 32:22)

Տես՝ ՀԱՏՈՒԿ ԹԵՄԱ. Որտե՞ղ են մեռելները:

❖ «կրակ» Սա պարբերաբար կրկնվող փոխաբերություն է, որը վերաբերում է դատաստանին և մարմնի վնասում:

**ՀԱՏՈՒԿ ԹԵՄԱ. ԿՐԱԿ (BDB 77, KB 92)**  
**SPECIAL TOPIC: FIRE (BDB 77, KB 92)**

Սուրբ Գրքում կրակը ունի թե՛ դրական և թե՛ բացասական նշանակություն:

Ա. Դրականը

1. տաքացնում է (տես՝ Ես.44:15, Հովհ.18:18)
2. լուսավորում է (տես՝ Ես.50:11, Մատթ.25:1-13)
3. եփում է (տես՝ Ելից 12:8, Ես.44:15-16, Հովհ.21:9)
4. գտնում է (տես՝ Թվոց.31:22-23, Առակ.17:3, Ես.1:25, 6:6-8, Երեմ.6:29, Մաղ.3:2-3)
5. սրբություն (տես՝ Ծննդ.15:17, Ելից 3:2, 19:18, Եզեկ.1:27, Եբր.12:29)
6. Աստծո առաջնորդություն (տես՝ Ելից 13:21, Թվոց 14:14, 3 Թագ.18:24)
7. Աստծուց գորացում (տես՝ Գործք 2:3)
8. Աստծո պաշտպանություն (տես՝ Չար.2:5)

Բ. Բացասական՝

1. այրում է (տես՝ Հեսու 6:24, 8:8, 11:11, Մատթ.22:7)
2. բնաջնջում է (տես՝ Ծննդ.19:24, Ղևտ.10:1-2)
3. բարկություն (տես՝ Թվոց 21:28, Ես.10:16, Չար.12:6)
4. պատիժ (տես՝ Ծննդ.38:24, Ղևտ.20:14, 21:9, Հեսու 7:15)
5. կեղծ վախճանաբանական՝ Էսկատոլոգիական նշան (տես՝ Հայտն.13:13)

Գ. Աստծո բարկությունը մեղքի հանդեպ արտահայտվում է կրակի փոխաբերությամբ՝

1. Նրա բարկությունը վառվում է (տես՝ Ովս.8:5, Սոփ.3:8)
2. Նա կրակ է թափում (տես՝ Նավ.1:6)
3. Հավիտենական կրակ (տես՝ Երեմ.15:14, 17:4)
4. Էսկատոլոգիական դատաստան (տես՝ Մատթ.3:10, 13:40, Հովհ.15:6, 2 Թեսաղ.1:7, 2 Ղևտ.3:7-10, Հայտն.8:7, 16:8, 20:14-15)

Դ. Կրակը հաճախ հայտնվում է աստվածհայտնության ժամանակ՝

1. Ծննդ. 15:17
2. Ելից 3:2
3. Ելից 19:18
4. Սաղմ. 18:7-15, 29:7
5. Եզեկ. 1:4,27, 10:2
6. Եբր. 1:7, 12:29

Ե. Աստվածաշնչում զետեղված շատ փոխաբերությունների պես (այսինքն՝ թթիամոր, առյուծ) ըստ համատեքստի կրակը կարող է լինել օրհնություն կամ անեծք:

NASB, NKJV  
NRSV, TEV,  
NJB, JPSOA,  
NRSV, REB  
LXX  
NET

«վառվող քամի»

«այրող քամի»

«կատաղի քամի»

«փոթորիկ»

Այս հազվադեպ տերմինը (BDB 273) հիմնականում նշանակում է «տաքություն»: Այն կիրառվում է՝

1. Սաղմոս 11:6-ում՝ նկարագրելով քամի
2. Սաղմոս 119:53-ում՝ որպես վառվող գայրույթ
3. Ողբ 5:10-ում՝ որպես այրող սով

Թարգմանչական հարցը կայանում է նրանում, թե «Արդյո՞ք այս տերմինը շարունակում է ԳՈՅԱԿԱՆՆԵՐԻ (BDB 809, 77, 172, տես՝ Հոբ 1:16) շարքը, թե սկսում է մի նոր փոխաբերություն»:

1. ավերիչ մրրիկ՝ (տես՝ Սաղմ. 58:9, Առակ. 1:27, Ովս. 8:7, Ամովս 1:14, Նավում 1:3)
2. շոգ անապատ՝ (տես՝ Սաղմ. 90:5-6, 103:15-16)

❖ **«նրանց բաժակը»** Սա եբրայերեն դարձվածք է մարդու ճակատագրի վերաբերյալ, և սովորաբար բացասական իմաստով (տես՝ Սաղմ. 75:8, սակայն երբեմն դրական իմաստով՝ Սաղմ. 16:5): Այն կապված է հարբեցողության հետ (տես՝ Ես. 51:17, Երեմ. 25:15):

Այս նույն դարձվածքը կիրառվեց Հիսուսի կողմից՝

1. Մատթ. 20:22, Մարկ. 10:38,39-ում
2. Մատթ. 26:39, 42, Մարկ. 14:36, Դուկ. 22:42-ում
3. Հովհաննես 18:11-ում

**11:7** ՅԱՀՎԵՆ բնութագրվում է որպես արդար (տես՝ Հատուկ Թեմա. Արդարություն, տես՝ Ելից 9:27, Եզրաս 9:15, Նեեմ. 9:8, Սաղմ. 119:137, Երեմ. 12:1, Ողբ 1:18, Հովհ. 17:25, Հայտն. 16:5,7):

Ահա արդար Աստծո գործերից մի քանիսը՝

1. Նա քննում է մարդկանց սրտերը՝ Սաղմ. 7:9, 11:5, Երեմ. 20:12
2. Նա արդարությամբ է դատում՝ Սաղմ. 7:11
3. Նա սիրում է արդարությունը՝ Սաղմ. 11:7, 33:5, 146:8
4. Նա ողորմած ու արդար է՝ Սաղմ. 116:5
5. Նա կտրտում է ամբարիշտների թոկերը՝ Սաղմ. 129:4
6. Նա արդար է Իր բոլոր ճանապարհներում՝ Սաղմ. 145:7, Դան. 9:14:

**11:7բ «Արդարը Նրա երեսը կտեսնի»** Հետաքրքիր է արդյո՞ք սա հանդիսանում է հենց այն աղբյուրը, որից բխում են Հիսուսի խոսքերը Մատթ. 5:8-ում: Աստված սուրբ է (Դևտ. 19:2, Մատթ. 5:48): Ոչ ոք չի կարող տեսնել Աստծուն և ապրել (այսինքն՝ Ելից 33:11, 17-23), մինչդեռ նրանք, ովքեր արդար են հոչակվել Նրա մեջ՝ Հիսուսի, կունենան մտերմիկ փոխհարաբերություն Աստծո հետ (տես՝ Հոբ. 19:25-27, Սաղմ. 17:15, Մատթ. 5:8, 1 Հովհ. 3:2):

## ՔՆՆԱՐԿՄԱՆ ՀԱՐՑԵՐ

Սա ուղեցույց հանդիսացող սերտողության մեկնաբանություն է, որը նշանակում է, որ դուք եք պատասխանատու Աստվածաշնչի ձեր մեկնաբանության համար: Մեզնից յուրաքանչյուրը պետք է քայլի իր ունեցած լույսով: Դուք, Աստվածաշունչը և Սուրբ Հոգին եք մեկնաբանության մեջ առաջին տեղում: Դուք չպետք է այն զիջեք մեկնաբանին:

Քննարկման այս հարցերը կազմվել են ձեզ օգնելու, որպեսզի մտածեք գրքի այս բաժնի գլխավոր հարցերի շուրջ: Դրանք մտածելու տեղիք տվող հարցեր են և վերջնական չեն:

1. Ի՞նչ է նշանակում «ապաստան գտնել, հույս դնել»:
2. Բացատրե՛ք Սաղմ. 11:3 ձեր բառերով:
3. Ըստ Սաղմ. 11:4-ի, որտե՞ղ է ՅԱՀՎԵՆ՝ երկնքում, թե տաճարում:
4. Արդյո՞ք ՅԱՀՎԵՆ փորձում /քննում/ է մարդկանց (Սաղմ. 11:5):